



SLUŽBENI GLASNIK OPĆINE SREBRENİK

SADRŽAJ:

I – AKTI OPĆINSKOG VIJEĆA

	Strana
1. Odluka o davanju benefita Mjesnoj zajednici na čijem području je locirana općinska sanitarna deponija komunalnog otpada	1
2. Odluka o utvrđivanju javnog interesa za izgradnju deponije komunalnog otpada	2-3
3. Zaključak broj: 01-369/13 od 14.05.2013.godine	4-5
4. Zaključak o davanju saglasnosti JP „9. Septembar“ d.d. Srebrenik na Odluku o izmjeni cijene komunalne usluge odvoza smeća za korisnike	6

II – AKTI JAVNIH PREDUZEĆA

5. Odluka o utvrđivanju cijene komunalne usluge odvoza smeća za domaćinstva broj: 01-726/13, JP „9. Septembar“ dd Srebrenik	7-8
---	-----

III – AKTI OPĆINSKOG NAČELNIKA

6. Odluka o proglašenju stanja prirodne nepogode od poplave	9
7. Odluka o proglašenju prestanka stanja prirodne nepogode od poplave.....	10
8. Rješenje o imenovanju odgovorne osobe za provođenje i praćenje mjera zaštite od požara i eksplozije.....	11
9. Pravilnik o uslovima, kriterijima i prioritetima dodjele pomoći za saniranje šteta nastalih djelovanjem prirodnih i drugih nesreća	12-14
10. Pravilnik o uslovima, prioritetima i načinu korištenja namjenskih sredstava za zaštitu od požara i vatrogastvo	15-17
11. Zaključak o odobravanju sredstava MZ Seona	18

IV – AKTI ŠTABA CIVILNE ZAŠTITE

12. Naredba o provođenju mjera zaštite i spašavanja	19
13. Naredba o angažovanju i upotrebi snaga i sredstava civilne zaštite	20
14. Zaključak broj:010-44-31-148/13 od 11.05.2013.godine	21

V – AKTI OPĆINSKE IZBORNE KOMISIJE

15. Odluka o izmjeni Odluke o dodjeli mandata članovima Vijeća mjesne zajednice Babunovići	22
--	----

Na osnovu člana 13. stav 2. alineja 5. Zakona o principima lokalne samouprave u federaciji BiH („Sl. novine Federacije BiH“, broj: 49/06 i 51/09) i člana 24. stav 1. tačka 2. Statuta općine Srebrenik ("Službeni glasnik općine Srebrenik", broj: 1/08), Općinsko vijeće općine Srebrenik na sjednici održanoj dana 14.05.2013.godine, d o n o s i:

O D L U K U
**o davanju benefita Mjesnoj zajednici na čijem području je locirana općinska
sanitarna deponija komunalnog otpada**

Član 1.

Ovom Odlukom odobrava se davanje benefita Mjesnoj zajednici na čijem području je locirana općinska sanitarna deponija komunalnog otpada.

Član 2.

Benefiti iz tačke 1. ove Odluke podrazumijevaju sljedeće:

1. po svakom izdatom računu za odvoz otpada uvodi se posebna stavka na mjesečnom računu za ovu komunalnu uslugu u iznosu od 1 KM neto, a važi za period odlaganja otpada na deponiji. Ova naknada će se isplaćivati Mjesnoj zajednici na čijem području se u predmetnom mjesecu vršilo odlaganje otpada;
2. Zasnivanje radnog odnosa u JP „9. Septembar“ d.d. Srebrenik za 3 (tri) radnika sa područja Mjesne zajednice na kojoj je locirana deponija, od momenta početka odlaganja otpada na deponiji;
3. Prioritet kod eventualnog zapošljavanja novih radnika za potrebe rada deponije, sa područja te Mjesne zajednice;
4. Prioritetno rješavanje pitanja iz oblasti infrastrukture u toj Mjesnoj zajednici, a realizovat će se kroz Program izgradnje infrastrukture na području općine Srebrenik.

Član 3.

Bliži uslovi realizacije naprijed navedenih benefita biće definisani kroz Ugovor koji će Općinski načelnik potpisati sa Mjesnom zajednicom na čijem području se nalazi deponija.

Član 4.

Za sprovođenje ove Odluke zadužuje se JP “9.Septembar” d.d. Srebrenik, Općinski načelnik i nadležne općinske Službe.

Član 5.

Ova Odluka stupa na snagu osmog dana od dana objavljivanja u "Službenom glasniku Općine Srebrenik", a primjenjivat će se od 01.06.2013.godine..

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
-Općinsko vijeće-
Broj: 01-316/13
Datum, 14.05.2013.godine

PREDSJEDAVALA VIJEĆA
Veselčić Vesna, s.r.

Općinsko vijeće Općine Srebrenik, postupajući po prijedlogu Općinskog pravobranilaštva Srebrenik u predmetu utvrđivanja javnog interesa za izgradnju deponije komunalnog otpada u Seoni, a na osnovu člana 14.stav 4 Zakona o eksproprijaciji („Sl.novine FBiH“,br.70/07, i 36/10) i člana 24 Statuta Općine Srebrenik („Sl.glasnik općine Srebrenik“br.1/08) na sjednici održanoj 14.05.2013.godine donijelo je:

ODLUKU

o utvrđivanju javnog interesa za izgradnju deponije komunalnog otpada

1.Utvrđuje se da je od javnog interesa izgradnja deponije komunalnog otpada, te se radi izgradnje iste može pristupiti potpunoj eksproprijaciji na zemljištu označenom kao:

-dio k.č.br.77/4 Dol oranica u površini od 6600 m², dio k.č.br.257/6 Dol oranica u površini od 1700 m², dio k.č.br.257/7 Dol šuma u površini od 1500 m² po starom premjeru upisane u zk.ul.br.385 k.o.Seona na ime općine Srebrenik, dio k.č.br.77/2 Dol oranica u površini od 9600 m² po starom premjeru upisana u zk.ul.br.583 k.o. Seona sa ½ u korist Federativne Narodne Republike Jugoslavije i Selimović Šahin Rame iz Seone, dio k.č.br.78/5 Čehajinka šuma u površini od 3400 m² upisana u zk.ul.br.902 k.o.Seona u korist Kadić Hasana Hasan iz Seone sa 1/12 dijela sa još 18 suvlasnika, a kojima po novom premjeru odgovaraju k.p.br.188/1 Dolovi livada u površini od 7370 m², i k.p.br.188/2 Dolovi pašnjak u površini od 8412 m² upisane u pl.br.177/02 k.o.Seona u korist opštine Srebrenik,

2.Utvrđuje se da je Općina Srebrenik korisnik potpune eksproprijacije za izgradnju objekta deponije komunalnog otpada u Seoni.

3.Protiv ove odluke može se pokrenuti upravni spor tužbom kod Kantonalnog suda Tuzla u roku od 30 dana od dana dostavljanja. Tužba se podnosi neposredno sudu.

O b r a z l o ž e n j e

Općinsko pravobranilaštvo Srebrenik svojim prijedlogom broj:04_U-10/13 od 13.05.2013. godine tražilo je da Općinsko vijeće Srebrenik donese rješenje o utvrđivanju javnog interesa radi izgradnje deponije komunalnog otpada u mjestu Seona. Uz prijedlog za utvrđivanje javnog interesa podneseni su podaci o nekretninama za koje se predlaže utvrđivanje javnog interesa, katastarski plan područja esproprijacije, te naveden cilj eksproprijacije.

Predložena lokacija za izgradnju deponije na kojoj bi se sprovela potpuna eksproprijacija smještena je u Seoni na parcelama k.p.br.188/1 i k.p.br.188/2 k.o.Seona po novom premeru odnosno k.č.br.77/4, k.č.br.257/6, k.č.br.257/7 i k.č.br.77/2 i k.č.br.78/5 k.o.Seona.

Uz prijedlog za utvrđivanje javnog interesa podnesena je dokumentacija potrebna za postupanje po prijedlogu.

U prijedlogu Općinsko pravobranilaštvo navodi da je potreba za izgradnjom nove deponije komunalnog otpada nastala iz razloga što se postojeća deponija u Babunovićima može koristiti do 30.04.2013.godine, kada prestaje mogućnost odvoza smeća na ovu deponiju. Prestankom odvoza komunalnog otpada na deponiju u Babunoviće isti će se morati odvoziti na novu lokaciju, a prema prijedlogu Službe za prostorno uređenje, stambeno-komunalne poslove i obnovu ista bi bila na gore navedenim parcelama, na kojima bi se izgradila nova deponija komunalnog otpada, a što je utvrđeno na osnovu Studije o izboru potencijalne lokacije za izgradnju sanitarne deponije koja je urađena od strane Rudarskog instituta d.d.Tuzla. Pošto je ostalo kratko vrijeme do zatvaranja postojeće deponije neophodno je hitno postupanje, kako bi se izbjegla mogućnost zatrpavanja smećem grada i drugih naselja na području općine Srebrenik, što bi moglo imati katastrofalne ekološke posljedice po zdravlje stanovništva.

Da bi se proveo postupak eksproprijacije odnosno rješavanje imovinsko-pravnih odnosa na navedenom zemljištu radi izgradnje deponije komunalnog otpada potrebno je u skladu sa Zakonom o eksproprijaciji utvrditi javni interes, zbog čega je odlučeno kao u izreci.

BOSNA I HERCEGOVINA
FEDERACIJA BOSNA I HERCEGOVINA
TUZLANSKI KANTON
OPĆINA SREBRENİK
-Općinsko vijeće-
Broj: 01-317/13
Srebrenik, 14.05.2013.godine

PREDSJEDAVAJUĆA VIJEĆA:
Veselčić Vesna s.r.

Na osnovu člana 24. i 117. Statuta Općine Srebrenik ("Službeni glasnik općine Srebrenik", broj: 1/08), Razmatrajući Odluku o davanju benifita mjesnoj zajednici na čijem je području locirana općinska sanitarna deponija komunalnog otpada, Općinsko vijeće općine Srebrenik na Vanrednoj sjednici održanoj dana 14.05.2013.godine, donijelo je:

ZAKLJUČAK

I

Općinsko vijeće općine Srebrenik na Vanrednoj sjednici razmatralo je i usvojilo Odluku o davanju benifita mjesnoj zajednici na čijem je području locirana općinska sanitarna deponija komunalnog otpada, te donijelo sljedeće zaključke :

1. Daje se saglasnost Općinskom načelniku za potpisivanje Anexa ugovora sa Rudarskim institutom d.d. Tuzla, na izvođenje dodatnih radova u okviru izrade Studije o izboru potencijalne lokacije za izgradnju nove sanitarne deponije, a kojom se predviđa analiza i obrada tri lokacije predložene od strane Komisije Općinskog vijeća formirane za rješavanje ove problematike;
2. Zadužuje se Općinski načelnik, nadležne općinske službe i Štab CZ općine Srebrenik, da preduzmu sve potrebne mjere, te donesu potrebne odluke u cilju stvaranja uslova za deponovanje komunalnog otpada na lokaciji utvrđenoj za izgradnju nove deponije, uz obavezno prethodno odgovarajuće uređenje predmetne lokacije;
3. Finansiranje provođenja mjera i aktivnosti po naredbama Općinskog štaba CZ Srebrenik na izgradnji nove sanitarne deponije vršit će se iz Budžeta općine Srebrenik za 2013. godinu, na teret pozicije ekonomskog koda 821213-nabavka ostalih pomoćnih građevina – izgradnja nove deponije;
4. Daje se saglasnost Općinskom načelniku za odobravanjem finansijske pomoći JP "9 Septembar"d.d. Srebrenik, na ime povećanih troškova odvoza komunalnog otpada na deponije drugih općina;
5. Daje se saglasnost Općinskom načelniku i komisiji Općinskog vijeća za rješavanje otvaranja nove sanitarne deponije, da pripremi prijedlog ugovora sa MZ Seona, koja će definisati odnose i benifite Općine i MZ-e, te da isti dostavi na sljedeću sjednicu Općinskog vijeća na saglasnost, takođe i nove lokacije mogu biti predmet rasprave;
6. Obavezuje se JP " 9 Septembar" Srebrenik da utvrđeni iznos benifita od 1.00 KM po ispostavljenom računu, po izvršenoj naplati, na poseban račun;
7. Zadužuje se JP "9 Septembar" Srebrenik da odmah pristupi aktivnostima selektivnog prikupljanja otpada od domaćinstva, a u cilju lakše implementacije naprijed navedenog prijedloga i politiku cijena;
8. Odmah intezivirati aktivnosti svih zainteresovanih strana (JP "9 Septembar", Srebrenik, inspeksijske službe, mjesne zajednice i dr.) da se sva fizička i pravna lica u što kraćem roku uključe u organizovan odvoz smeća;


9. Da Komisija utvrdi prijedlog zona obuhvata MZ-a za razgovore u smislu benefita;
10. Komisija da razgovara sa MZ Babunovići po utvrđenim benefitima za produženje roka odlaganja komunalnog otpada na postojećoj deponiji do izgradnje nove sanitarne deponije.

II

Zaključak stupa na snagu danom donošenja, a objavit će u "Službenom glasniku Općine Srebrenik".

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
-Općinsko vijeće-
Broj: 01-369/13
Datum, 14.05.2013.godine

PREDSJEDAVAJUĆA VIJEĆA
Veselčić Vesna, s.r.



Na osnovu člana 21. Zakona o komunalnim djelatnostima („Sl. novine Tuzlanskog kantona“, broj:11/05 i 7/07) i člana 24. i 117. Statuta Općine Srebrenik ("Službeni glasnik općine Srebrenik", broj: 1/08), Općinsko vijeće općine Srebrenik, na Vanrednoj sjednici održanoj dana 14.05.2013.godine, donijelo je:

ZAKLJUČAK

I

Daje se saglasnost JP „9. Septembar“ dd Srebrenik, na Odluku o utvrđivanju cijene komunalne usluge odvoza smeća, za povećanje cijene za sve korisnike u iznosu od 1,17 KM (slovima: jednakonvertibilnamarka 17/100).

U novu cijenu iz prethodnog stava ulazi i obračun PDV-a.

II

Obavezuje se JP „9. Septembar“ d.d. Srebrenik, da neto iznos od 1,00 KM (slovima: jedna KM), po izvršenoj naplati po ispostavljenom računu svakog mjeseca, izdvoji na poseban žiro-račun.

III

Sredstva iz tačke II ovog Zaključka usmjerace se u skladu sa odredbama Odluke o davanju benefita mjesnoj zajednici na čijem je području locirana općinska sanitarna deponiija komunalnog otpada, broj: 01-316/13 od 14.05.2013.godine, usvojenoj na sjednici Općinskog vijeća Srebrenik, 14.05.2013.godine.

IV

Zadužuje se JP „9. Septembar“ d.d. Srebrenik, da uskladi Odluku o utvrđivanju cijena sa odredbama ovog Zaključka i istu dostavi na objavljivanje u „Službenom glasniku općine Srebrenik“.

V

Sastavni dio ovog Zaključka je usklađena Odluka o utvrđivanju cijene komunalne usluge odvoza smeća za domaćinstva.

VI

Navedene cijene primjenjivat će se od 01.06.2013.godine.

VII

Zaključak stupa na snagu danom objavljivanja u "Službenom glasniku Općine Srebrenik".

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
-Općinsko vijeće-
 Broj: 01-373/13
 Datum, 14.05.2013.godine

PREDSJEDAVAJUĆA VIJEĆA
 Veselčić Vesna, s.r.

U skladu sa odredbama člana 21. Zakona o komunalnim djelatnostima („Sl. novine TK“, broj: 11/06), člana 107. Odluke o komunalnom redu („Službeni glasnik općine Srebrenik“, broj: 6/06), člana 10. tačka 8. Statuta JP „9. Septembar“ d.d. Srebrenik i člana 6. Pravilnika o načinu formiranja cijena komunalnih usluga individualne komunalne potrošnje te na osnovu Zaključka Općinskog vijeća općine Srebrenik broj: 01-373/13 od 14.05.2013. godine, a na prijedlog Uprave društva, donio je:

O D L U K U
o izmjeni cijene komunalne usluge odvoza smeća za korisnike

I

U skladu sa kriterijima utvrđenim za formiranje cijena komunalnih usluga odvoza i deponovanja smeća na području općine Srebrenik Nadzorni odbor prihvatio je Zaključak Općinskog vijeća za povećanje cijene navedenih usluga kako slijedi:

R/B	KORISNIK USLUGE	Jed. mj.	Postojeća cijena	Postojeća cijena sa PDV	Benefit po domaćinstvu
I	DOMAĆINSTVA				
	a) Individualni stambeni objekti u gradu i prigrad. naseljima	m ²	0,081	0,095	1,17 KM/mj.
	b) Kolektivno stanovanje	m ²	0,135	0,158	1,17 KM/mj.
	c) Ostala naselja: Tinja, Brezje, Potpeć, Tinja-polja, D. Potok, Bjelave, Cage, Lipje, Kuge, Like, Seona, Dedići, Behrami, Šahmeri, Zahirovići, Brezik, Straža, Podorašje, Previle, Lisovići, Ljenobud, Uroža, Ježinac, C. Špionica, Cerik, Tutnjevac, S. Špionica, D. Špionica, Huremi, Sladna, Ibrići, Salihbašići, Murati, Vikali, Hodžići, Hrvati, Lušnica, Omerbašići, D. Moranjci, G. Moranjci, Falešići, G. Čekanići, Brnjičani, G.Srebrenik i D. Srebrenik.	m ²	6,00	7,02	1,17 KM
	d) Privredni subjekti				1,17 KM

Novе cijene usluga odvoza smeća za sve korisnike uvećale bi se za 1,17 KM/mjesečno.

II

Komunalne usluge odvoz smeća korisnici plaćaju do 10-tog tekućeg za prethodni mjesec.

III

Ova odluka stupa na snagu po prethodno pribavljenoj saglasnosti Općinskog vijeća.

IV

Sastavni dio ove odluke je Zaključak Općinskog vijeća je usklađena Odluka o utvrđivanju cijene komunalne usluge odvoza smeća za domaćinstva.

V

Ova odluka se primjenjuje od 01.06.2013. godine, a objaviće se u "Službenom glasniku općine Srebrenik".

JP „9. SEPTEMBAR“ d.d.

S R E B R E N I K

-Nadzorni odbor-

Predsjednik:

Broj: 01-726/13

Datum, 21.05.2013.godine

Mehmedović Ahmet, s.r.

Na osnovu člana 29. tačka 7. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“ broj:39/03 i 22/06, člana 32. Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“ broj: 77/06 i 5/07); člana 38. tačka 6. Statuta općine Srebrenik („Službeni glasnik općine Srebrenik“ broj: 01/08) na prijedlog Općinskog štaba civilne zaštite, Općinski načelnik d o n o s i,-

ODLUKU

o proglašenju stanja prirodne nepogode od poplave

I

Ovom Odlukom proglašava se nastanak stanja prirodne nepogode od poplave sa danom, 11.05.2013 godine u 14³⁰ sati.

II

Područje pogođeno prirodnom nepogodom je : kompletno područje Općine

III

Ovom odlukom, na provođenju akcije zaštite i spašavanja ljudi i materijalnih dobara određuju se Službe zaštite i spašavanja općine Srebrenik i po procjeni snage i sredstva pravnih lica.

IV

Sredstva koja su potrebna da se izvrši akcija otklanjanja posljedica prirodne nepogode od poplave su u visini od cca 10.000,00 KM, a obezbijedit će se iz budžeta Općine. Za rješavanje tog pitanja zadužuje se Služba za budžet, poduzetništvo i nadzor.

V

Akcijom zaštite i spašavanja rukovodit će Općinski štab civilne zaštite Srebrenik.

VI

Ovom Odlukom utvrđuju se obaveze za rukovodioce Općinskih službi da su dužni provoditi sve naredbe Općinskog štaba civilne zaštite.

VII

Vrijeme važenja odluke trajat će dok se ne izvrši akcija na otklanjanju posljedica od poplave.

VIII

Odluka stupa na snagu ODMAH a objavit će se u Službenom glasniku općine Srebrenik.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
- Općinski načelnik -

Broj: 07-469/13
Datum: 11.05.2013 godine

OPĆINSKI NAČELNIK
Buljubašić Sanel s.r.

Na osnovu člana 29. tačka 7. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“ broj:39/03; 22/06 i 43/10), člana 32. Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“ broj: 77/06 i 5/07) i člana 38. tačka 6. Statuta općine Srebrenik („Službeni glasnik općine Srebrenik“ broj: 01/08), člana 9. stav 1. tačka (f) Odluke o organizovanju i funkcionisanju zaštite i spašavanja („Službeni glasnik općine Srebrenik“ broj: 06/05; 9/09 i 02/11) na prijedlog Općinskog štaba civilne zaštite, Općinski načelnik d o n o s i,-

ODLUKU

o proglašenju prestanka stanja prirodne nepogode od poplave

I

Ovom Odlukom proglašava se prestanak stanja prirodne nepogode od poplave, proglašene Odlukom broj: 07-469/13 od 11.05.2013.

II

Stanje prirodne nepogode prestaje sa danom, 14.05.2013 godine u 08⁰⁰ sati.

III

Prestankom stanja prirodne nepogode, prestaje potreba za radom Općinskog štaba civilne zaštite.

IV

Prestankom stanja prirodne nepogode, prestaje potreba za radom Službe zaštite i spašavanja koja je bila angažovane na provođenju naredenih mjera zaštite i spašavanja.

V

Ovom odlukom nalaže se Službama za upravu, da kroz redovnu proceduru nastave aktivnosti na saniranju posljedica prirodne nepogode od poplave, i otklanjanju uzroka koji su pospiješili prirodnu nepogodu.

VI

Služba civilne zaštite će objedinit i pripremit sve potrebne izvještaje za Općinskog načelnika i Općinsko vijeće.

VII

Odluka stupa na snagu danom donošenja a objavit će se u Službenom glasniku općine Srebrenik.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
- Općinski načelnik -

Broj:07-471/13

Datum: 14.05.2013 godine

OPĆINSKI NAČELNIK
Buljubašić Sanel s.r.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
-Općinski načelnik-

Broj: 07-463/13

Datum: 08.05.2013.godine

Na osnovu člana 38. stav 6. i člana 118. Statuta općine Srebrenik ("Službeni glasnik općine Srebrenik", broj: 1/08); člana 10 alineja 5. Pravilnika o zaštiti od požara ("Službeni glasnik općine Srebrenik", broj: 4/13), na prijedlog Općinske Službe civilne zaštite, Općinski načelnik d o n o s i:

R J E Š E N J E

o imenovanju odgovorne osobe za provođenje i praćenje mjera zaštite od požara

Član 1.

Ovim rješenjem, kao odgovorna osoba za provođenje i praćenje mjera zaštite od požara i eksplozije imenuje se Ibrić Muhamed, str. ing. zaštite životne sredine-zaštite od požara, viši referent zaštite od požara-Komandir odjeljenja Profesionalne Vatrogasne jedinice (u daljem tekstu: odgovorna osoba).

Član 2.

Odgovorna osoba je osnovni organizator i nositelj cjelokupnih poslova iz područja zaštite od požara na svim građevinama, građevinskim dijelovima i na svim radnim mjestima u prostorijama Općinskih službi.

Obaveze i dužnosti odgovorne osobe utvrđene su u članu 16. Pravilnika o zaštiti od požara ("Službeni glasnik općine Srebrenik", broj: 4/13).

Član 3.

Ovo Rješenje stupa na snagu danom donošenja, a objavit će se u "Službenom glasniku općine Srebrenik".

OPĆINSKI NAČELNIK
Sanel Buljubašić, s.r.

Na osnovu člana 32.a. Uredbe o jedinstvenoj metodologiji za procjenu šteta od prirodnih i drugih nesreća („Službene novine Federacije Bosne i Hercegovine“, broj: 75/04 i 52/09), člana 6. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije Bosne i Hercegovine“ broj:4/12), člana 38. Statuta Općine Srebrenik („ Službeni glasnik općine Srebrenik“, broj: 01/08), član 24. Odluke o izvršenju budžeta općine Srebrenik („ Službeni glasnik općine Srebrenik“, broj: 3/13), na prijedlog Općinske službe civilne zaštite, Općinski načelnik d o n o s i,-

P R A V I L N I K

o uslovima, kriterijima i prioritetima dodjele pomoći za saniranje šteta nastalih djelovanjem prirodnih i drugih nesreća

I – OPĆE ODREDBE

član 1.

Ovim Pravilnikom se uređuju procedure, uslovi, kriteriji i prioriteti za dodjelu jednokratne pomoći (u daljem tekstu: jednokratna pomoć) građanima, pravnim i fizičkim licima za saniranje šteta nastalih djelovanjem prirodnih i drugih nesreća ukoliko su za to obezbijeđena finansijska sredstva.

član 2.

Jednokratna pomoć se dodjeljuje iz sljedećih sredstava:

- iz sredstava posebne naknade i to najviše u iznosu do 20 % sredstava prikupljenih tokom tekuće godine, po postupku i na način kako je to predviđeno Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije Bosne i Hercegovine“, broj: 4/12);
- do 20 % ukupno raspoloživih sredstava za zaštitu i spašavanje prikupljenih u predhodnim godinama;
- iz budžeta Općine koja se obezbjeđuju u skladu sa odredbama člana 179. tačka 1. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, broj: 39/03; 22/06 i 43/10, u daljem tekstu: Zakon o zaštiti i spašavanju).

U budžetu za 2013 godinu, za namjene pružanja pomoći iz namjenskih sredstava, je planirano ukupno 6.000,00 KM, na budžetskoj poziciji: org. kl. 010, funk. klas. 0210, ek. kod. 614241.

član 3.

Općinski načelnik odlučuje o dodjeli jednokratne pomoći iz sredstava posebne naknade na prijedlog Općinske službe civilne zaštite ili druge službe iz budžetske rezerve na način predviđen ovim Pravilnikom.

II- POSTUPAK ZA DODJELU POMOĆI

član 4.

Građani, pravna i fizička lica mogu podnijeti zahtjev za dodjelu jednokratne pomoći iz sredstava Općine predviđenih u članu 2. ovog Pravilnika za otklanjanje šteta koje nastanu djelovanjem prirodnih i drugih nesreća, bez obzira da li je bilo proglašeno stanje prirodne ili druge nesreće.

Jednokratna pomoć za slučajeve iz stava 1. ovog člana, građanima, pravnim i fizičkim licima se odobrava u koliko isti nisu u mogućnosti iz svojih sredstava izvršiti otklanjanje posljedica nastalih šteta usljed djelovanja prirodnih i drugih nesreća.

Zahtjev za dodjelu jednokratne pomoći se podnosi Službi civilne zaštite.

član 5.

Zahtjev za dodjelu jednokratne pomoći sadrži sljedeće podatke:

- podatke o podnosiocu zahtjeva (naziv, JMBG ili ID broj, adresa, broj telefona) koji pomoć traži,
- naziv prirodne ili druge nesreće i datum njenog nastanka,
- podaci o nastaloj šteti i iznos finansijske pomoći koja se traži,
- konkretne namjene za čije finansiranje se pomoć traži,
- podatke o visini sredstava koja će se obezbijediti kao lično učešće i iz drugih izvora pomoći (donacije i sl.),
- podatke o osiguranju imovine,
- podatke o preduzetim preventivnim mjerama na zaštiti imovine.

Obrazac zahtjeva će sačiniti Služba civilne zaštite.

član 6.

Uz zahtjev za dodjelu jednokratne novčane pomoći prilaže se sljedeća dokumentacija:

- dokaz o nastaloj šteti (foto ili druga dokumentacija),
- izvještaj o procijenjenoj šteti sačinjen od strane Općinske komisije za utvrđivanje i procjenu štete od prirodnih i drugih nesreća,
- kopija lične karte,
- kopija uplatnog računa na koji se može uplatiti odobrena jednokratna novčana pomoć (u koliko bude odobrena),
- izjavu da će, u koliko jednokratna novčana pomoć bude odobrena, namjenski utrošiti,
- socijalna anamneza od Centra za socijalni rad općine Srebrenik.

III – KRITERIJI ZA DODJELU JEDNOKRATNE POMOĆI

član 7.

Prilikom razmatranja zahtjeva i utvrđivanja prijedloga za dodjelu i visine jednokratne pomoći za saniranje šteta nastalih djelovanjem prirodne ili druge nesreće, posebno se cijene sljedeće činjenice:

- štetne posljedice po ljude,
- štetne posljedice po materijalna dobra,
- visina pričinjene štete iskazane u finansijskim pokazateljima,
- ekonomsko-socijalno stanje podnosioca zahtjeva,
- mogućnost podnosioca zahtjeva da svojim sredstvima otkloni posljedice,
- visina finansijskih sredstava koja je podnosilac zahtjeva uložio u otklanjanje posljedica do podnošenja zahtjeva,
- visina ukupno raspoloživih sredstava posebne naknade ili sredstava budžeta namijenjenih za pružanje pomoći za otklanjanje šteta od prirodnih i drugih nesreća u toku kalendarske godine,
- druge podatke od značaja za normalizaciju života i rada podnosioca zahtjeva.

Pomoć se neće odobriti u koliko za to nisu planirana i obezbijedena sredstva posebne naknade ili budžetska sredstva.

IV – RAD NADLEŽNIH SLUŽBI

član 8.

Kada Služba civilne zaštite primi zahtjev za dodjelu jednokratne pomoći, odmah je dužna, razmotriti taj zahtjev i utvrditi prijedlog za dodjelu pomoći.

U slučaju da se zahtjevu ne može udovoljiti zbog nedostatka namjenskih sredstava, izuzetno, kada ima stepen hitnosti, uz predhodnu usmenu saglasnost Općinskog načelnika, može se predložiti dodjela pomoći iz budžetske rezerve.

Ukoliko se zahtjevu ne može udovoljiti u roku od 60 dana, daje se obrazloženje zašto se pomoć ne može odobriti, o čemu se obavještava podnosioc zahtjeva.

član 9.

Prijedlog za dodjelu jednokratne pomoći obavezno sadrži i:

- tačne podatke o licu kojem se predlaže pomoć,
- visinu sredstava jednokratne pomoći,
- namjena za koju se sredstva odobravaju,
- izvor (sredstva posebne namjene ili budžetska sredstva-rezerva) za finansiranje jednokratne pomoći,
- pozicija u budžetu na kojoj su sredstva planirana,
- obrazloženje.

član 10.

Dodjela jednokratne pomoći se vrši Zaključkom koji obavezno sadrži i sljedeće podatke:

- naziv lica kojem se dodjeljuje jednokratna pomoć,
- iznos jednokratne pomoći,
- namjena za koju se jednokratna pomoć može koristiti,
- pozicija u budžetu sa koje će se isplatiti sredstva.

V – OBAVEZE PODNOSIOCA ZAHTJEVA

član 11.

Sredstva koja su dodijeljena kao jednokratna pomoć mogu se koristiti samo za namjene koje su navedene u aktu o dodjeli jednokratne pomoći.

VI – PRELAZNE I ZAVRŠNE ODREDBE

član 12.

Nadzor nad primjenom ovog Pravilnika vrši Služba civilne zaštite.

Svi zahtjevi za pomoć podnešeni prije stupanja na snagu ovog Pravilnika će se rješavati u skladu sa odredbama ovog Pravilnika.

član 13.

Ovaj Pravilnik stupa na snagu danom donošenja a objavit će se u „Službenom glasniku općine Srebrenik“ i važi za budžetsku 2013.godinu.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
-Općinski načelnik-

OPĆINSKI NAČELNIK

Buljubašić Sanel s.r.

Broj: 07-213/13

Datum: 09.05.2013. godine

Na osnovu člana 137. stav 6. tačka 3. Zakona o zaštiti od požara i vatrogastvu („Službene novine Federacije Bosne i Hercegovine“, broj: 64/09), člana 38. Statuta Općine Srebrenik („ Službeni glasnik općine Srebrenik“, broj: 01/08), člana 24. Odluke o izvršenju budžeta općine Srebrenik („ Službeni glasnik općine Srebrenik“, broj: 03/13) , na prijedlog Službe civilne zaštite, Općinski načelnik d o n o s i,-

P R A V I L N I K
o uslovima, prioritetima i načinu korištenja namjenskih sredstava
za zaštitu od požara i vatrogastvo

I – OSNOVNE ODREDBE

član 1.

Ovim Pravilnikom se utvrđuju uslovi, prioriteti i način korištenja namjenskih sredstava uplaćenih na račun budžeta Općine Srebrenik po osnovu člana 137. stav 2. i 3. Zakona o zaštiti od požara i vatrogastvu („Službene novine Federacije Bosne i Hercegovine“, broj: 64/09) (U daljem: Zakon o vatrogastvu) .

član 2.

Sredstva koja se u skladu sa članom 137. stav 2. i 3. Zakona o vatrogastvu prikupljaju se na poseban jedinstveni transakcijski račun budžeta Općine u skladu sa članom 137. stav 2. Zakona o vatrogastvu pod nazivom „ Sredstva za vatrogastvo “ koji je sastavni dio jedinstvenog računa budžeta Općine, će se koristiti za namjene utvrđene u odredbi člana 137. stav 5. Zakona o vatrogastvu i to za:

- 1) Nabavka vatrogasne opreme
- 2) Nabavka vatrogasnih tehničkih i drugih sredstava za vatrogasne jedinice
- 3) Stručno obučavanje i osposobljavanje vatrogasaca
- 4) Održavanje opreme i vatrogasnih sredstava,
- 5) Investiciona izgradnja i opremanje objekta za potrebe vatrogasnih jedinica.

član 3.

Općinski načelnik odlučuje o korištenju namjenskih sredstava sa posebnog namjenskog računa za vatrogastvo na prijedlog Općinske službe civilne zaštite na način predviđen ovim Pravilnikom.

II- USLOVI ZA KORIŠTENJE SREDSTAVA

član 4.

Namjenska sredstva za vatrogastvo će se koristiti pod uslovima da su ista planirana u prihodovnoj i rashodovnoj strani budžeta Općine za tekuću godinu.

član 5.

Stvaranje obaveze plaćanja sa namjenskog računa za vatrogastvo se može izvršiti do visine ukupnog planiranog iznosa u okviru planiranih sredstava na transakcijskom računu koja se prikupe u toku budžetske godine.

član 6.

Razlika potrebnih sredstava, ukoliko je nedovoljno prikupljeno namjenskih sredstava za vatrogastvo u toku godine, će se obezbijediti iz sredstava budžeta Općine (budžetske rezerve) i sredstava posebne naknade.

III – PRIORITETI ZA KORIŠTENJE SREDSTAVA

član 7.

Prioritet za korištenje namjenskih sredstava za vatrogastvo ima:

1. nabavka vatrogasnih vozila
2. nabavka vatrogasne opreme i drugih sredstava,
3. investiciona izgradnja i opremanje vatrogasnog doma.

član 8.

Prilikom utvrđivanja prijedloga za korištenje namjenskih sredstava za vatrogastvo, Služba civilne zaštite će posebno cijenity:

1. utvrđene prioritete iz člana 7. ovog Pravilnika,
2. planirana sredstva u rashodovnoj strani budžeta Općine za tekuću godinu i
3. visinu prikupljenih sredstava na namjenskom računu.

član 9.

O opravdanosti prijedloga i prioriteta odlučuje Općinski načelnik.

IV – NAČIN KORIŠTENJA SREDSTAVA

član 10.

Služba civilne zaštite, u skladu sa Planom nabavke za tekuću godinu, visinom planiranih sredstava na rashodovnoj strani budžeta za tekuću godinu, podnosi zahtjev za pokretanje postupka javne nabavke.

U zahtjevu se obavezno navodi visina očekivanog rashoda po predmetnoj nabavci i pozicija u budžetu na kojoj je nabavka planirana.

član 11.

Po okončanju postupka javne nabavke, Služba civilne zaštite sačinjava prijedlog Općinskom načelniku za korištenje namjenskih sredstava za vatrogastvo sa posebnog namjenskog transakcijskog računa.

član 12.

Služba civilne zaštite će prilikom pripreme budžeta Općine za svaku narednu godinu posebno tražiti planiranje vrsta i visina pozicija u rashodovnoj strani budžeta za narednu godinu vodeći računa o planiranoj visini prihoda namjenskih sredstava za vatrogastvo u tekućoj godini i visini prenešenih sredstava iz predhodne godine.

V – PRELAZNE I ZAVRŠNE ODREDBE

član 13.

Nadzor nad primjenom ovog Pravilnika vrši Služba civilne zaštite i Služba za budžet, poduzetništvo i nadzor, svaka iz okvira svoje nadležnosti.

član 14.

Izmjene i dopune ovog Pravilnika će se vršiti po postupku i načinu njegovog donošenja.

član 15.

Ovaj Pravilnik stupa na snagu danom donošenja i objavit će se u „Službenom glasniku općine Srebrenik“.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
-Općinski načelnik-

OPĆINSKI NAČELNIK
Buljubašić Sanel, s.r.

Broj: 07- 214/13

Datum: 30.04.2013. godine

Na osnovu člana 38. Statuta općine Srebrenik (“Službeni glasnik općine Srebrenik” broj: 1/08) i Odluke o budžetu općine Srebrenik za 2013. godinu (“Sl. glasnik općine Srebrenik”, broj: 3/13), a na prijedlog Službe za budžet, poduzetništvo i nadzor općine Srebrenik broj: 02-4753/13 od 09.05.2013. godine, Općinski načelnik d o n o s i:

ZAKLJUČAK

I

Odobrava se MZ Seona isplata novčanih sredstava u iznosu od 2.000,00 KM, sa budžetske pozicije tekuća rezerva za uplatu novčanih sredstava za realizaciju troškova promocije izgradnje sanitarne deponije u Seoni.

II

Sredstva iz tačke I ovog Zaključka izdvajaju se sa pozicije ekonomskog koda 614000-tekuća rezerva, u okviru organizacione klasifikacije 07 i funkcionalne klasifikacije 1490, Odluke o budžetu općine Srebrenik za 2013. godinu .

III

Za realizaciju ovog Zaključka zadužuje se Općinska služba za budžet, poduzetništvo i nadzor i Općinska služba za opću upravu i zajedničke poslove.

IV

Zaključak stupa na snagu danom donošenja a objavit će se u “Službenom glasniku općine Srebrenik”.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
-Općinski načelnik-

OPĆINSKI NAČELNIK
Sanel Buljubašić, s.r.

Broj: 07-464/13
Datum: 09.05.2013.godine

Na osnovu člana 138 i 139 Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“ broj: 39/03; 22/06 i 43/10), člana 29.stav 2. Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“ broj: 77/06), Odluke o proglašenju stanja prirodne nepogode od poplave broj: 07-469/13, Općinski štab civilne zaštite Srebrenik, dana, 11.05.2013 godine, d o n o s i,-

N A R E D B U
o angažovanju i upotrebi snaga i sredstava civilne zaštite

I

Naređuje se angažovanje i upotreba snaga, materijala i sredstava:

1. Službe za zaštitu i spašavanje iz ruševina i
2. Službe za vodosnabdijevanje

Angažovane Službe zaštite i spašavanja iz predhodnog stava će svoje poslove vršiti u skladu sa uputama Općinskog štaba civilne zaštite.

II

Kontrolu i praćenje rada provodit će članovi Općinskog štaba civilne zaštite, svako iz svoje nadležnosti.

III

Naredba stupa na snagu ODMAH i objavit će se u „Službenom glasniku općine Srebrenik“.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
-Općinski Štab civilne zaštite-

Broj: 010 - 44 - 97- 163 /13

Datum: 11.05.2013. godine

KOMANDANT
Buljubašić Sanel s.r.

Na osnovu člana 138 i 139 Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“ broj: 39/03 i 22/06), člana 29. stav 2. Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“ broj: 77/06), Odluke o proglašenju stanja prirodne nepogode od poplave broj: 07-469/13, Općinski štab civilne zaštite Srebrenik, dana, 11.05.2013 godine, d o n o s i,-

N A R E D B U
o provođenju mjera zaštite i spašavanja

I

Naređuje se provođenje mjera zaštite i spašavanja:

- zaštita i spašavanje na vodi i pod vodom,
- zaštita i spašavanje od rušenja i
- zaštita okoliša.

II

Mjere zaštite i spašavanja na vodi i pod vodom, rušenja i zaštitu okoliša provodit će:

- Profesionalna vatrogasna jedinica,
- Služba zaštite i spašavanja iz ruševina,
- Građani, u okviru samozaštite.

III

Naredba stupa na snagu ODMAH i objavit će se u „Službenom glasniku općine Srebrenik“.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
-Općinski Štab civilne zaštite-

Broj: 010- 44 - 97- 164/13
Datum: 11.05.2013. godine

KOMANDANT
Buljubašić Sanel, s.r.

Na osnovu člana 134. stav 3. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“ broj: 39/03; 22/06 i 43/10), člana 13c) Odluke o organizovanju i funkcionisanju zaštite i spašavanja(Službeni glasnik općine Srebrenik“ broj: 6/05, 9/09 i 2/11) i razmatranja informacije o stanju na području općine Srebrenik po pitanju nastanka prirodne nepogode od poplave, Općinski štab civilne zaštite Srebrenik, na vanrednoj sjednici održanoj dana 11.05.2013. godine u 17⁰⁰ sati, d o n o s i,-

ZAKLJUČAK

I

1. Zadužuju se nadležne Općinske službe, da u cilju normalizacije stanja na pogodnom području ODMAH izvrše stručno:
 - snimanje makadamskih puteva na kompletnom području Općine,
 - snimanje lokalnih asfaltnih puteva,
 - snimanje oštećenih mostova i vodnih propusta,
 - snimanje oštećenih vodovoda,
 - snimanje stanja novonastalih klizišta
2. Zadužuju se organi uprave, da kroz vršenje svojih redovnih djelatnosti, preduzmu sve potrebne mjere i radnje na otklanjanju posljedica nastalih prirodnom nepogodom od poplave.

II

Zaključak stupa na snagu ODMAH i objavit će se u „Službenom glasniku općine Srebrenik“.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
-Općinski Štab civilne zaštite-

Broj: 010- 44 - 31- 148/13
Datum: 11.05.2013. godine

KOMANDANT
Buljubašić Sanel, s.r.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
OPĆINSKA IZBORNA KOMISIJA

Broj:102/13

Datum: 05.04.2013.godine

Na osnovu člana 72. i 74. Statuta općine Srebrenik (“Službeni glasnik Općine Srebrenik”, broj.1/08) člana 2. i 3. Odluke o implementaciji izbornih rezultata za dodjelu mandata članovima Vijeća mjesnih zajednica (“Službeni glasnik Općine Srebrenik”, broj.1/09), Općinska izborna komisija Srebrenik razmatrajući zahtjev Stranke za bolju budućnost broj:04/13 od 04.04.2013.godine, za smjenjivanjem člana u Vijeću MZ Babunovići d o n o s i:

ODLUKU

o izmjeni Odluke o dodjeli mandata članovima Vijeća mjesne zajednice
Babunovići

I

U Odluci o dodjeli mandata članovima Vijeća Mjesne zajednice Babunovići (“Službeni glasnik Općine Srebrenik”, broj: 2/13), u tački I pod rednim brojem 5. umjesto “Isić Envera (SBB)” dodjeljuje se mandat “Suljić Ramizu (SBB)”.

II

Ova odluka stupa na snagu danom donošenja, a objavit će se u “Službenom glasniku Općine Srebrenik”.

PREDSJEDNIK

Ibračević Sakib,s.r.

SLUŽBENI GLASNIK
OPĆINE SREBRENİK

BROJ: 5

IZDAJE: Općinsko vijeće općine Srebrenik
Izlazi po potrebi

UREĐUJE: Stručna služba Općinskog vijeća općine Srebrenik

ODGOVORNI UREDNIK: Sakib Ibračević

TIRAŽ: 30 primjeraka

ADRESA: Općinsko vijeće općine Srebrenik
Stručna služba

WEB: www.srebrenik.ba

E-MAIL: opc.sreb@bih.net.ba

TEL/FAX: 035/645-762